

之法門移星動月驅神役靈其驗不可測也

高上神霄玉清真王紫書大法卷之七

高上神霄玉清真王紫書大法卷之八 竟

大護身戰鬼伏魔法

師曰正月一日已前立於密室面向北朝元君四拜元君者乃元始開天之主亦號道祖聖母若不朝聖母奉法終不能靈也自作懺罪文奏之奏罷叩齒三通陰思五星歲星在左手巾色如青玉太白在右手巾色如白玉熒惑在頂上色如火珠鎮星在巾色如黃金辰星在足下色如黑寶皆有神光動照一身陰思呪曰

五星鎮彩光照玄冥千神萬聖護我真靈巨天猛獸制伏五兵五天魔鬼亡身滅形所在之處萬神奉迎急急如律令

再思五星衛我變化無方木星化為風輪火星化為大火匝遶一身金星在右手化

為金剛神劍光芒冲天放炎火辰星在足下變化為江水須臾成海海中有五龍湧

出呪曰

五星鎮形光照火精保我五體鎮我萬靈六天魔鬼動即斬形急急如律令

又思天罡大煞炁從天罡上來其炁內黃外黑直至吾前以鼻吸十二次呪曰

大煞炁炁內陰外陽保我命驅除邪辟殃山魃魃魃土地殃殄赤口白舌虫蛇虎狼害我者死謀我者亡愛我者吉奉我者昌萬神摧碎伏匿天罡急急如律令

將左手撫心右手摩頂暗思魁星在右手魁星在左手魁星在胸前呪曰

魁星大煞鎮我心原外辟五兵內除五瘟當我者迷謀我者死逆鬼兇神於我何論急急如律令

將左手撫心右手指天思魁星在右手魁星在左手魁星在頭呪曰

陽明真炁冠我朱陽辟除萬害并及逆殃盜賊凶人虫蛇虎狼謀我者死害我者亡赤口白舌伏匿天罡急急如律令

將右手指背對心左手指心思魁星在左手魁星在頭上魁星在右手呪曰

明明真炁至在天罡鎮在絳宮辟除非災何神敢住何鬼敢來千神萬鬼伏我天罡急急

如律令

兩手扶三台星為華蓋存上台星官在左手  
手中指中台星官在右手手中下台星官在  
兩膝下呪曰

吾頭戴華蓋足履魁罡地網八極天羅四張

北斗落死除邪滅殃南斗上生壽命延長祈  
求如願所在吉昌中外殃禍動即盡亡急急  
如律令

造印式

法曰凡造印於甲子庚申面向東南以辰巳

二時於淨密室中先焚香默祈求所事取神  
霄真炁吹入木中然後命工一時刻成勿令  
斷續刻以清玉石或赤棗心依法祭之

祭印式

法曰凡祭印以三九日或甲子當於人定時  
就密室中設一案繒帛鋪之用蒸餅三椌湯  
三盞香一炷又設三十六分列左右香燭三  
上香酌酒於案西北上立面南再拜具位臣  
某好樂長生修崇大道以今吉夜虔備香燈  
供養之儀以祈靈貺臣某上啓長生大帝君

青華大帝君好生韓君丈人真君曜華玉寶  
天真皇人神霄玉闕上真元君左右真妃上  
相仙伯左華右極真宰仙聖仙官靈官通章  
印中聖眾玉文瓊璽急催追捉斬邪斷瘟電  
火大將軍掌印捧印擎印聖眾直壇土地一

切真靈臣某身好清潔佩持寶印願內無疾  
病外斷諸妖佐天行化助國救民斷絕妖邪  
驅逐鬼祟昨於某年某月某日某時詣某處

隨籙傳授神霄玉文瓊璽通章寶符雷火斬  
邪急捉等印謹於吉日於某處淨室祭獻臣  
所受寶印已於年月日呈印楮飛奏三師帝

君伏乞勅命頒降行下所屬各干去處遇臣  
行移看驗辨認施行仍乞頒降天仙聖眾護  
印神王雷霆猛吏直符使者守衛玉文通章  
符印百千萬重通炁流布入臣印中令臣行

用召攝神將總呼吏兵收捉邪精誅戮神鬼  
拯濟王民立獲威效次願臣某祈求自然契  
合長生高奔玉府面禮上帝與道合同臣某  
無任瞻天望聖激切屏營之至稽首再拜

上香 酌酒 散花 再拜

青華大帝君神霄玉文寶印松於九霄八萬  
餘劫是令契賢昌運乃仙民欲行持先祭之  
方獲靈驗頭布元天坎戶地布方成離宮以  
神劍寶鏡各五口繒幡五首栢湯五盞時果  
五標木賽陵香湯一鼎淨水清醪香花列布

壇下中二層上一層五印下布九霄燈步太  
微星塔白神霄小兆臣某謹奏


三師帝君天真皇人韓司丈人玉府天尊雷  
火大將軍通章使者掌印天丁風伯雨師雷  
部聖眾臣叨慕大化仰奉殊恩恭佩法籙上

承仙階今步建天圓行壇地戶行司精誠上  
達神霄臣有仙寶玉印依科祭拜伏願真仙  
眾聖矜憫虔誠降賜仙真道炁灌注寶印之  
中飛符走籙咸乞奉行不順道者見印成塵


次冀臣拜祭之後萬罪釋消俱希原赦身心  
泰定神宇和平所向利亨叩祈靈應如蒙所  
啓仰荷大道罔極之恩臣謹有口章拜達玉  
府臣某無任誠惶誠恐稽首頓首再拜瞻天  
望聖激切屏營之至謹言

次上香以朱印印七箇吞之依法三祭為


忌穢濁處印自飛走功滿之日佩印乘風  
車上朝神霄大宜祕之




右印以金為之管九天九地神祇王府四  
海三江水曹龍神用印勅之無所不關治  
萬病吞之即愈




右印以棗木或金為之丹砂塗印章奏用  
天上合同真契能達玉九不致下落萬神  
通奏以丹砂使之



右印以金玉為之或棗木刊之以丹砂塗  
印此印乃八威毒蛇之篆管玉府雷神祈  
求雨澤焚燒邪鬼伏斬水怪以印黃紗投  
水伐死怪大去瘟疫下鬼胎驚風天吊以  
印印萬病即瘥走虎之病印之立消即雷  
部符立到其功不可具言



右印以雷震棗木刊之以丹砂印此印有  
神兵八百萬隨印驅瘟伐邪大瘟時行排  
門印之不入人家吞印發汗免染他人邪  
怪惜人不順法者以印壇四面印自方令  
燒其怪滅形臨事更改用之



右印以雷震棗木刊之隨事行用凡治急

切之事以印印之其所司則便奉行無敢  
稽滯捉神追鬼立到行司萬神侍衛不敢  
離壇也

呈印取炁呪抽炁

南極長生解厄化生三台伏母萬善成臻急  
急如高上神霄玉清真王律令

開印呪

神霄上帝賜印通靈韓君降祐無顧不成邪  
妖皈正道炁潛營急急如

高上神霄玉清真王律令

用印呪

神霄寶印統攝百靈勅令所行受命天丁神  
印一下壽命無窮萬魔拱手千邪滅形急急  
如

高上神霄玉清真王律令

通章印呪

上天松授使者宣傳雲篆煥赫玄之又玄密  
緘章奏禱煙衝起不致稽延速詣玉几勅命  
告下神霄仙旨急急如律令

入印呪

天丁受命力士捧符妖精該滅邪魔戮誅三界之內依吾指揮急急如  
高上神霄玉清真王律令

押字呪

灶斗七星天地光明神炁一下邪炁不停息

急如律令 並神霄  
炁訣

高上神霄建獄法

法曰凡治強鬼妖魅魍魎不正之神累給符命以法遣之不去者當具奏三天及神霄帝師關申東嶽府備牒所屬城隍關請將兵建立天獄收捕根勸施行此乃為之攝邪輔正之道也

推勸將吏

中天斗獄將丁道安丁道寧丁道通丁道泰

巡世界都押將吏神王王魏才 子文

中天斗獄大聖追魂神將嚴守真 中文


中天斗獄縛鬼神將周初 午文

中天斗獄大聖枷鬼神將晃真道 辰文

右件神將當先具奏帝師請降赴獄領治  
職事

建火獄式

火鈴將軍



火鈴童子


火鈴力士

召將吏祝呪

謹召中天斗獄將丁道安丁道寧丁道通丁道泰巡世界都押將王魏才中天斗獄大聖追魂神將嚴守真縛鬼神將周初枷鬼神將趙伯子拷鬼神將晃真道火鈴將軍火鈴神君火鈴力士火鈴童子目下四散收擒搜捉作禍不正之神押赴火獄分明現形急急如高上神霄玉清真王律令  
次書捉邪將軍總監等符攝邪符捉縛枷拷符捉邪搜邪功曹符並在後書篆於黃


上丹書燒在獄內

九天考鬼大將軍杜典 辰文丑炁



甲子庚申篆之同前用燒符時祝云與吾痛考若遇狂邪不伏正法者於此作一獄須令伏也以符獄中焚之

火獄符



呪曰

赤炁炎煙洞燄鐵城收禁罪鬼考按無停南斗然骨大帝燒形速告情願使民安寧火兵捕檢禁傷鬼營敢有不從司禁書名急急如高上神霄玉清真王律令

掐中指甲下投火中焚之三日夜用之驗  
再呪曰

上帝火鈴雷火將軍火急降燒遠鬼心謹請火鈴將軍火鈴神兵火鈴力士火鈴童子與吾疾速下真火燒着疾疾

右法左手太清訣召將指揮右手推車刀訣執劍獄下真火四岸逼如狂邪不正以此獄治立伏也召念普現將法火獄前立


兩柱棚方紙一幅在獄前念呪依次行持捉祟也變獄用流金火鈴符念晶炁靈呪書之獄用雷火將軍次五方用火輪符五道於五方反下

流金火鈴符



右符辰文南炁朱書黃上

火輪符



呪曰

火輪大將軍無忌同兼獄靈官與吾監守為禍鬼神不致走透急急

建獄驅鬼現形

神霄玉清十萬天丁急追冤鬼火中現形急急如高上神霄玉清真王律令  
右法辰文須先變獄符了依式立三日大

驗也

主水獄式

五儀使者

寒水力士

鐵棒使者

寒水大將

捷疾使者

召將吏祝呪

謹請中天斗獄將丁道安丁道寧丁道通丁道泰絕世界都押將吏神王王魏才中天斗獄大聖追魂神將嚴守真縛鬼神將周初枷鬼神將趙伯子考尾將鬼真道五溪使者陳江捷疾使者韓意寒水力士實子希寒水大將晉機鐵棒使者張言等目下四散搜邏枚擒作禍不正之神押赴水獄分明現形急急如高上神霄玉清真王律令  
次書捉邪將軍總監眾神等符攝邪符捉


縛枷持符符捉邪搜邪功曹符黃上丹書次第焚之於獄中

直獄大將軍候卒從將二十一人



太清訣盟炁甲子庚申朱篆之如用先燒一道符直獄將然後畫作獄也每以潔處供養便見真形也

水獄符



書水獄符呪

溟海九萬中有石城惡煞守關毒龍噴精水官速送返禁鬼神敢犯天律飄蕩奔傾好惡速告一一通名敢有不伏送汝天丁急急如高上神霄玉清真王律令  
右手掐四指根篆此符燒在水中用洒獄

念呪曰

壬癸之靈太清之精為我滅火炎化為水謹請捷疾使者韓意寒水力士實子希寒水大將晉機五溪使者陳江鐵棒使者張言吾奉太上勅與吾速把狂邪鬼神驅入獄着疾右法同前用之



水輪符



右法依式建立三日訖於獄顯現畢當具  
事由量輕重申解所司斷治施行切勿妄  
結鬼神情罪戒之慎之

高上神霄王清真王紫書大法卷之八

高上神霄王清真王紫書大法卷之九 竟

神霄玉清王府三十六天獄真符


神霄真王曰府之後鬱靈空界之中列三十  
六天獄專命中央黃帝統治諸獄以致天司  
此天獄真符乃九霄玄一六陽鬱網清秀之  
炁自然結成真符凡世之人稟形胎育穢氣  
未消體未洞真不能召致天炁若修行上道  
則三界邪魔悖亂正神使心不能定諸念競  
起萬邪來干此去六天之後昌運合期道化  
當行真符漸露受之者能制伏邪魔斷除邪  
慾使三宮寧靜九炁衛形如或遠越科條罪  
不汝貸急急如高上神霄王清真王律令  
法曰每一獄有掌獄靈官一負獄中靈官  
真吏典者一百二十人天獄靈官吏兵將  
文行持驅攝邪精齋戒冥心朱篆真符隨  
意用心呼召立降凡行符只用天獄一符  
不必盡用  
法曰凡頑崇治之不下者須立三十六天  
獄變身為真王搗申文想天獄廣瀾左右  
天兵雷陣圍遶仗劍立獄靈官典吏從官

嚴切祝付須管敗露立獲昭報伏準真王  
勅分明於獄中顯現邪跡


攝勘

應行法之士出入行持在人家宅有凶惡邪  
神精魅侮弄行法之人先於安歇處掃令潔  
淨卓下建灰獄一座卓上供養天將吏兵等  
用皂旗一面立於灰壇中間引將捉到邪鬼  
於此現形

太真玉帝天獄真符



飛真流光太丹妙靈真符



此符當召九霄天獄主者

神霄真王曰凡行神霄之道上攝天妖下驅